

Naqqiissut

Siunnersuummut 18. agusti 2022-meersumut taarsiissut

(Inatsisissatut siunnersuutip aamma nassuaatip kalaallisoortaani teknikkimut oqaatsinullu tunngasunik iluarsiisoqarpoq)

Uunga siunnersuut:

**Nuup kiisalu Qasigiannguit Aasiaallu pilersorneqarnerannut erngup nukinganik
nukissiorfinnik taakkununngalu atatillugu atortunik sanaartornermut,
aningaasalersuinermut ingerlatsinermullu killiliussatut atugassarititaasut pillugit
Inatsisartut inatsisaat allanngortinneqarnissaa pillugu Inatsisartut inatsisaat**
(Aningaasalersuinermut killissaliussat annertusineqarnerat)

§ 1

Nuup kiisalu Qasigiannguit Aasiaallu pilersorneqarnerannut erngup nukinganik nukissiorfinnik taakkununngalu atatillugu atortunik sanaartornermut, aningaasalersuinermut ingerlatsinermullu killiliussatut atugassarititaasut pillugit Inatsisartut inatsisaat nr. 22, 1. december 2021-meersumi tulliuttut allanngortinneqassapput:

1. § 5 imm.2 imatut oqaasertalerneqarpoq:

” Imm. 2. Naalakkersuisut imm. 1 naapertorlugu taarsigassarsiarineqartut, sanaartugassat Inatsisartut inatsisaanni matumani pineqartunut ilaasut aningaasalersorneqarnissaannut, Nukissiorfinnut imaluunniit aktiaatileqatigiiffimmut Namminersorlutik Oqartussanit pigineqartumut taarsigassarsiariteqqissinnaavaat.”

2. § 6 imatut oqaasertalerneqarpoq:

” § 6. Suliassat §§ 2-4-mi pineqartunut ilaatinneqartut aningaasartuutilu taakkununnga attuumassuteqartut aktiaatileqatigiiffimmut Namminersorlutik Oqartussanit pigineqartumut tamakkiisumik ilaannakortumilluunniit tunniunneqassasut, Naalakkersuisut aalajangersinnaavaat.

Imm. 2. Namminersorlutik Oqartussat aktianit aningaasaatit aammalu taarsigassarsianit aningaasaatit akisussaaffigineqartut akiliutigissagaat pillugu aktiaatileqatigiiffimmi Namminersorlutik Oqartussanit pigineqartumi taarsigassarsitsitsunut avataaneersunut pisussaaffiliisumik upternarsaanissamut Naalakkersuisut piginnaatinneqarput.

Imm. 3. Taarsigassarsianut aktiaatileqatigiiffimmut Namminersorlutik Oqartussanit pigineqartumut taarsigassarsitsitsut avataaneersut taarsigassarsiaritaannut qularnaveeqqusinissamut, Naalakkersuisut piginnaatinneqarput.”

§ 2

Inatsisartut inatsisaat ulloq 1. decembari 2022 atuutilerpoq.

Namminersorlutik oqartussat, ulloq xx. xxx 2022

Naalakkersuisut Siulittaasuat